



Headlines

- श्री अमरनाथ जी दी जात्तरा कोला पैहले जम्मू च सुरक्षा बवस्था निग्गर करी दित्ती गई ऐ। सीआरपीएफ ते जम्मू-कश्मीर पुलस आसेआ भगवती नगर यात्री निवास दे आले-दोआले तुपाई अभियान चलाया गेआ। आरपीएफ दे महानिदेशक होरें कठुआ रेलवे स्टेशन दा दौरा लाइयै सुरक्षा बंदोबस्तें दा जायजा लैता।
- जम्मू-कश्मीर पुलसै किशतवाड़ च आतंकवादिगं दी मदाद आहले नेटवर्क गी तबाहू करदे होई द'उं जनें गी गिरफ्तार कीता ऐ।
- मंत्री सकीना इत्तू होरें आखेआ ऐ जे शिक्षा गै लोकें दे समाजी ते आर्थिक विकास दी बुनियाद ऐ। उंनें लोड़ मूजब कम्मै पर लाए जाने आहले 261 कम्मगारें दिगं सेवाएं गी पक्का करने मतल्लक आर्डर बी तकसीम कीते।
- 12मां अंतर्राष्ट्री योग ध्याड़ा, औंदी 21 जून गी मुल्ख भरै च मनाया जाहगा। जम्मू-कश्मीर च एहदे बड्डे पैमाने पर आयोजन लेई बक्ख-बक्ख मैहकमें आसेआ तैयारियां जोरें-शोरें जारी ना।
- मौसम विभाग ने औंदी 22 जून धोड़ी प्रदेश च मौसम बदलोखड़ा रौहने, बरखा बरने, गरज-चमक ते अंधी-झक्खड़ दी भविक्खवाणी कीती ऐ।



Security Jammu

औंदी श्री अमरनराथ जात्ता शा पैहले जम्मू च सुरक्षा सख्त करी दित्ती गई ऐ। सी.आर.पी.एफ ते जम्मू-कश्मीर पुलसै भगवती नगर आले आधार शिविर दे आले-दोआले खोजी कुत्तें दे दस्ते सने धातू दा पता लाने आले उपकरणें दा इस्तेमाल करदे होई तपाशी अभियान चलाया।



Kathua-Railway Station

औंदी श्री अमरनराथ जात्ता शा पैहले रेलवे सुरक्षा बल दियां डरैक्टर जनरल सोनाली मिश्रा होरें कठुआ रेलवे स्तेशन पर सुरक्षा इंतजामें दा जायजा लैता। अपने दौरे दरान मिश्रा होरें आखेआ जे यात्रा गी दिखदे होई सुरक्षा गी होर तगड़ा कीता जा'रदा ऐ। उंनें आखेआ जे सब्भनें एजेंसिगं कन्नै तालमेल बनाइयै कम्म कीता जा'रदा ऐ ते

अज्जै-कल्लै दियें स्हूलतें कन्नै लैस तकनीकी उपकरणें दा बी इस्तेमाल कीता जा'रदा ऐ। उनें आखेआ जे अज्जै आह्ले दौरे दरान सुरक्षा कन्नै जुडे दे केई पैहलुएं दी समीक्षा कीती गई ते एहू फैसला कीता गेआ जे इस बवस्था गी अजें होर तगड़ा बनाया जाहगा। उनें आखेआ जे एहूदे लेई बेहतर तालमेल कययकीनी बनाया जा करदा ऐ। इस मौके पर बोलदे होई रेलवे प्रोटेक्शन फोर्स दियां डरैक्टर जनरल सोनाली मिश्रा होरें आखेआ

<><><><><><>

Terror-Associates

इक बड्डी कार्रवाई दे तैह्त जम्मू-कश्मीर पुलसै, दञ्चन किशतवाड़ च कथित तौर पर आतंकवादिएं दी मदाद करने दे कसूरवार द'उं जनें गी गैर-कनूनी गतिविधिएं दी रोकथाम सरबंधी कानून, भारती न्याऽ संहिता ते थेहारें सरबंधी कानून दे तैह्त गिरफ्तार करी लैता ऐ। किशतवाड़ दे एसएसपी नरेश सिंह होरें इस मामले बारै ब्यौरे सांझे करदे होई दस्सेआ ऐ जे तफ्सीली जांच दे बाद पुलसै, जंगलात मैहकमे दे इक मुलाज़म तारिक अहमद गिन्नु ते मोहम्मद इकबाल गी गिरफ्तार कीता ऐ। एहू दौने जने दञ्चन किशतवाड़ दे बसनीक न ते इंदे पर आतंकवादिएं दी मदाद करने दे गंभीर आरोप न। उ'आं पुलसै आखेआ ऐ जे तफ्तीश अजे जारी ऐ तांजे इंदे पूरे नेटवर्क गी तबाहू कीता जाई सकै। पुलसै आतंकवाद गी दना बर्दाश्त नेई करने दी अपनी नीति गी दोहरांदे होई खित्ते च रमानदारी ते सुरक्षा बरकरार रक्खने दी वचनबद्धता गी बी फही पक्का कीता ऐ।

<><><><><><>

Itoo -CPWs

शिक्षा मंत्री सकीना इततू होरें शिक्षा विभाग दे 261 Contingency paid workers यानि के लोड़ पौने पर कम्म करने आह्ले कम्मगारें गी पक्का करने आले आदेश तकसीम कीते ते जम्मू संभाग दे बक्ख-बक्ख स्कूलें च शैक्षणिक ढांचागत परियोजनाएं दा वर्चुअल तरीके कन्नै नीहू पत्थर बी रक्खेआ। किट्टु गी संबोधित करदे होई मंत्री होरें म्यारी शिक्षा उपलब्ध करोआने, स्कूलें दे बुनियादी ढांचे गी मजबूत करने ते शिक्षा दे क्षेत्र कन्नै जुडे दे कर्मचारियें दी भलाई बेहतरी यकीनी बनाने लेई सरकार दी वचनबद्धता गी फही पक्का कीता। उनें जोर देइयै आखेआ जे शिक्षा, समाज दे समाजी ते आर्थिक विकास दी बुनियाद ऐ। उनें आखेआ जे जम्मू-कश्मीर च शिक्षा दी रूप-रेखा बदलने लेई बक्ख-बक्ख पैहलकदमियां कीतियां जा'रदियां न।

<><><><><><>

Prog. Announcement

आकाशवाणी जम्मू दे क्षेत्रीय समाचार एकांश आसेआ कल 20 जून गी दपैहरी साड्डे 12 बजे 30 मिंटे दा इक विशेष कार्यक्रम पेश कीता जाहगा। एहू कार्यक्रम केंद्र च एनडीए सरकार दे 12 बरे पूरे होने दे सरबंधै च ऐ। इस

विशेष कार्यक्रम दा विशेसार ऐ फाइट अगेन्स्ट टेररिज्म, बार्डर फेंसिंग। इस विशेष कार्यक्रम च स्टाडे परौहने होडन डीआईजी बार्डर सिक््योरिटी फोर्स जम्मू फ्रंटियर कुलवंत राय शर्मा जेडे इस विशे पर अपने बचार सांझे करडन। इस कार्यक्रम दी मेजबानी साहडे न्यूज एंकर विजय बजाज आसेआ कीती जाहगा।

<><><><><><>

IYD

12मां अंतर्राष्ट्री योग ध्याडा औंदी 21 जून गी पूरे मुल्खे च बडे बडे पैमाने पर मनाया जाहगा। इस बारे इस ध्याडे दा विशे-सार ऐ सेहतमंद बुढापे लेई योग। एह ध्याडा लगातार बदलदी जीवनशैली ते बजुर्गी च पैर रक्खा करदे लोके लेई शारीरिक सेहत, मानसिक स्थिरता ते भावनात्मक संतुलन गी बढावा देने दे महत्वै पर लोऽ पांदा ऐ। आयूष मंत्रालय ने योग गी अपने रोजमर्रा दे जीवन दा हिस्सा बनाने ताई लोके दा दिल बधाने गितै योगा-365 नांऽ दा अभियान रम्भे दा ऐ। जम्मू च महिलाएं दे सरकारी महिला कालेज गांधीनगर च आयोजित होने आहले मुख् कार्यक्रमै च केन्द्री मंत्री डाक्टर जीतेन्द्र सिंह होर शिरकत करडन जिसलै के लेफ्टिनेंट गवर्नर मनोज सिन्हा होर, श्रीनगर आहले मुख् समारोह च शामिल होडन।

<><><><><><>

Yoga Day-Jammu Airport

“अंतर्राष्ट्रीय योग दिवस” दे सरबंघै च जम्मू हवाई अड्डे पर इक विशेष योग सत्र दा सरिस्ता कीता गेआ। एदे च भारतीय हवाई अड्डा प्राधीकरण- Central Industrial Security Force ते होर दुए मैहकेम दे अफसरें ते कर्मचारियें हिस्सा लैता। साहडे जिला संवाददाता नै जानकरी दिती ऐ जे जम्मू हवाई अड्डा सरबंघी निदेशक ते होर दुए वरिष्ठ अधिकारी इस मौके पर उत्थे मौजूद हे। इस मौके प्रतिभागिएं बक्ख-बक्ख योग-आसन कीते ते सेहतमंद जीवन शैली प्रति अपनी वचनबद्धता दोहराई। इस मौके प्रधान मंत्री नरेन्द्र मोदी हुंदे आसेया योग गी जीवन दा इक अभिन्न हिस्सा बनाने आहले नजरिए गी बी सांझा कीता गेआ। इस बारै होर जानकारी दिंदे होई जम्मू एयरपोर्ट दे डरैक्टर देवेन्द्र यादव होरें आखेआ तोआई, योग गुरू डा. कनिका भगत होरें आखेआ

<><><><><><>

IYD TSM Deptt.

सैलसफा निदेशालय जम्मू आसेआ जम्मू तवी गोल्फ कोर्स च औंदी 21 जून गी अंतर्राष्ट्री योग दिवस दे मौके उप्पर इक बशेश कार्यक्रमै दा आयोजन कीता जाहगा। एहदा मकसद, योग ते आरोग्य आहली बक्ख-बक्ख गतिविधिएं दे राहें लोके अंदर एकाग्रता, तंदरूस्ती ते पूरे-पराते कल्याण गी बढावा देना ऐ। प्रतिभागिएं गी

आखेआ गेआ ऐ जे ओह बडुलै साङ्के 5 बजे सिद्धडा गोल्फ कोर्स पुज्जी जान ते बडुलै 6 बजे थमां एह कार्यक्रम औपचारिक तौर पर शुरु होई जाह्ग।



IYD-Sanasar

रामबन जिले दी सनासर सैलानी थाहर पर जिला प्रशासन रामबन नै आयुष निदेशालय कन्नै रलियै अंतरराश्ट्री योग दिवस शा पैहले सेहतमंद बुढापे लेई योग विशेसार दे तैहत इक बडे कार्जक्रम दा आयोजन कीता। रामबन दे डिप्टी कमिशनर मोहम्मद एलयास खान ते एसएसपी रामबन अरूण गुप्ता होरें इस मौके पर प्रतिभागियें कन्नै योग आसन कीते। कार्यक्रम दरान ज्हारों दी गिनतरी च अधिकारिएं, विद्यार्थिएं, योग करने आलें ते मकामी बसनीकें उत्साह कन्नै हिस्सा लैता। इस बारै होर जानकारी दिंदे होई आयुष मैहकमे दे नोडल अधिकारी डा. शकील अहमद होरें आखेआ



Weather

मौसम विभाग नै 22 जून तगर मौसम आमतौरा पर बदलोखडा रौहने ते केई सारी थाहरें पर इक या दो बारी बरखा पौने दी पेशगोई कीती ऐ। विभाग नै गरज-चमक, ऐन गडा पौने, बिजली चमकने ते धूड आहली अंधी चलने दी बी चेतावनी दिती ऐ। इस बारै होर जानकारी दिंदे होई मौसम विभाग दे डरैक्टर मुख्तार अहमद होरें दस्सेआ

